



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

19 DISEMBER 2021 (AHAD)



KERATAN AKHBAR DAN MEDIA ONLINE (KPDNHEP)

19 DISEMBER 2021 (AHAD)

Kit ujian sendiri tak lulus KKM

Produk dijual portal e-dagang tiada jaminan kualiti

Pengguna diminta hati-hati tawaran harga terlalu murah

Oleh Suzalina Halid
suzalina@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) mengakui tiada jaminan kualiti membabitkan kit ujian saringan (RTK Antigen) yang dijual di portal e-dagang dan melalui ejen.

Timbalan Menterinya, Datuk Rosol Wahid, berkata kementerian turut mengakui wujudnya pihak yang mengambil kesempatan menjual produk perubatan berkaitan COVID-19 untuk mengaut keuntungan lebih.

Sehubungan itu, beliau berkata, pengguna harus lebih berhati-hati dengan mendapatkan kit ujian saringan diluluskan Pihak Berkuasa Peranti Perubatan (MDA) secara fizikal di premis terpilih.

Katanya, pengguna juga perlu bijak terhadap tawaran kit ujian saringan pada harga terlalu murah berikutan bimbang ia tidak diluluskan MDA, selain tidak bermutu.

"Tiada jaminan (kualiti) pembelian di portal e-dagang dan melalui ejen. Jadi, orang ramai perlu menjadi pengguna bijak dengan memilih kit ujian saringan bermutu dan diiktiraf."

"Kita tidak mahu beli dengan harga murah, tetapi tidak berkesan. Penjualan secara dalam talian ini mungkin membabitkan produk yang diseludup atau diperoleh terus dari negara luar, tetapi tidak diluluskan pihak berkuasa," katanya kepada *BH*, di sini.

Beliau berkata demikian bagi mengulas laporan beberapa kit ujian saringan sendiri RTK Antigen yang dipercayai tanpa kelulusan Kementerian Kesihatan (KKM), dikesan dijual secara berleluasa di kedai serbaneka

dan melalui portal e-dagang.

Lambakan produk tanpa kelulusan MDA di bawah KKM yang turut membabitkan produk diseludup itu, dikhuatiri boleh menyebabkan risiko penularan COVID-19 yang lebih meluas berikutan ketepatan keputusannya diragui.

Pada masa sama, Rosol berkata, pengguna juga diminta melaporkan sebarang maklumat kepada KPDNHEP membabitkan produk ujian saringan meragukan khususnya melalui penjualan di platform e-dagang.

Beliau berkata, pihaknya tidak menolak kemungkinan ramai pengguna 'tertipu' dengan pembelian kit ujian saringan tidak diluluskan MDA, namun tidak memaklumkan kepada KPDNHEP

Kita tidak mahu beli dengan harga murah, tetapi tidak berkesan. Penjualan secara dalam talian ini mungkin membabitkan produk yang diseludup atau diperoleh terus dari negara luar, tetapi tidak diluluskan pihak berkuasa



Datuk Rosol Wahid,
Timbalan Menteri Kementerian
Perdagangan Dalam Negeri dan Hal
Ehwal Pengguna



Antara kit ujian saringan sendiri (RTK Antigen) yang dibawa secara seludup dari negara luar tanpa kelulusan Pihak Berkuasa Peranti Perubatan (MDA).

berikutan kurang kesedaran.

"Kita akan mengambil tindakan dan siasat berdasarkan aduan sama ada diterima secara terus atau melalui media sosial," katanya.

Beliau berkata, KPDNHEP hanya bertanggungjawab dalam aspek harga kit ujian saringan dan cap dagang, manakala bagi isu mengelak kit tiruan dijual dalam negara pula, pihaknya menjangin kerjasama dengan MDA dan KKM untuk mengawal selia kemasukan produk ke Malaysia.

Selain itu, katanya, kerjasama daripada pemilik jenama tertentu kit ujian terbahit juga amat diperlukan.

"Ini kerana tanpa maklumat dan pengaduan pihak berkenaan,

tindakan undang-undang berhubung kit ujian tiruan tidak dapat dijalankan mengikut peruntukan Akta Cap Dagangan 2019," katanya.

Rosol berkata, KPDNHEP menjalankan pemeriksaan ke atas 12,576 premis menjual kit ujian pantas antigen COVID 19 di seluruh negara dan empat tindakan diambil sehingga 10 Disember lalu berdasarkan kesalahan Akta Kawalan Harga dan Anti Pencatutan 2011 iaitu penjualan kit ujian saringan melebihi harga maksimum iaitu RM19.90.

"Setakat ini, tiada aduan atau maklumat diterima berhubung penjualan kit ujian pantas tiruan secara dalam talian atau di premis fizikal," katanya.

Rebut peluang harga barangan rendah di PJKM

PUTRAJAYA - Jualan barangan keperluan harian dengan harga sehingga 20 peratus lebih rendah daripada harga pasaran tempatan yang ditawarkan pada Program Jualan Keluarga Malaysia (PJKM) memberi banyak kelegaan kepada pengguna.

Program yang dikendalikan oleh Kementerian Perdagangan Dalam Negeri dan Hal Ehwal Pengguna (KPDNHEP) itu turut melibatkan Parlimen Putrajaya dengan penganjurannya di Presint 9 di sini, iaitu serentak dengan 177 Parlimen di seluruh negara.

Ahli Parlimen Putrajaya, Datuk Seri Tengku Adnan Tengku

Mansor berkata, sehubungan itu, penduduk seharusnya mengambil peluang atas inisiatif dan usaha KPDNHEP dalam membantu rakyat mendapatkan barangan keperluan dengan harga berpatutan.

Katanya, pelaksanaan PJKM oleh KPDNHEP diadakan sebagai inisiatif kerajaan untuk membantu meringankan kos sara hidup rakyat terutamanya golongan berpendapatan rendah.

"Saya nak menguar-uarkan kepada warga Putrajaya supaya datang sahut apa yang disediakan KPDNHEP. Pelbagai barangan keperluan termasuk barangan basah semua ada,

"Diharap dapat ambil peluang ini, janganlah tak ambil peluang. Esok-kata KPDNHEP tak peduli lah, harga naiklah sedangkan mereka prihatin," katanya selepas membuat walkabout di Presint 9 di sini semalam.

Berhubung kekerapan penganjuran program tersebut, beliau berkata, ia boleh dibincangkan bersama KPDNHEP selain turut mencadangkan jualan tersebut diadakan di lokasi yang berlainan di Putrajaya.

"Kekerapan boleh dibincangkan bersama KPDNHEP. Kita ada 19 presint di Putrajaya jadi, boleh berpindah-pindah ke presint yang lain," katanya.



TENCKU ADNAN (kiri) ketika sesi walkabout PJKM di Presint 9, Putrajaya semalam. - IHSAN KPDNHEP